

倭良峰先生为学要指等四种，为中学正宗一书，以为书院中子弟用功之具，使知正学之归，倩马通白其昶为之序，而余跋其后焉。

光绪二十四年（一八九八年）戊戌 三十四岁

居上海，秋间移居天津。

春，会试未中。

八月，遵海防新例，在直隶藩库报捐道员，双月选用。

九月，奉北洋大臣裕禄札委会办开平矿务局。十月，札委总办矿务局。开平者，北洋官矿也。吾父佐李文忠创海军，军舰需燃料，故倡议就开平开采煤矿，以供南北洋军用，委唐景星观察创办。光绪丙戌（一八八六年），吾父又因唐山运煤迟滞，不能以时接济兵船，曾禀建胥各庄至阎庄铁路，此二者实为北洋开矿修路之始。矿权为国有，而技师则用西人，并无外股，后来庚子（一九〇〇年）纠纷，成为中英交涉，一切详见于后。

八月，第二子明焯生。

是年吾父奉旨赴山东查河，事竣入京陛见。

光绪二十五年（一八九九年）己亥 三十五岁

居天津。

五月，在直隶代咨安徽赈捐第四次案内，捐奖花翎。夏，辑刘公事迹汇编。先是外舅芑林公于甲午后引疾告归，去年冬疽发背卒。由北洋旧僚奏请恤典，余因辑《上谕稟牍》及《传志碑铭》等合为汇编，倩归安陆学源为之跋以传世，使后人知公之行谊事迹焉。